

# 鄭王史論

楚狂

鄭氏自明康大王擁戴黎莊宗。多立戰功。於元和十三年。封太師諒國公。節制諸營將士。尊扶莊宗。中宗。英宗三帝。輔政二十五年。卒。追諡世祖明康大王。子平安王鄭松襲位。尊扶英宗。世宗。敏宗三帝。輔政五十三年。薨。追諡成祖哲王。子清都王鄭繼襲位。尊扶神宗。眞宗二帝。輔政三十五年。薨。追諡文祖誼王。子西定王鄭柞襲位。尊扶神宗。玄宗。嘉宗三帝。輔政二十五年。薨。追諡弘祖陽王。子定南王鄭根襲位。尊扶熙宗。裕宗。輔政二十七年。薨。追諡昭祖康王。曾孫安都王。所至有。尊扶裕宗。昏德公。輔政二十一年。薨。追諡僖祖仁王。子順王鄭杠襲位。尊扶純宗。懿宗二帝。輔政十二年。薨。追諡裕祖順王。弟明都王楹襲位。尊扶顯宗。輔政二十八年。薨。追諡毅祖恩王。子靖都王襲位。尊扶顯宗。輔政十五年。薨。追諡聖祖盛王。次子奠都王鄭櫛襲位。逾一月。三府兵亂。廢爲恭國公。扶世子端南王鄭楷即位。輔政五年。丙午。遭亂自殺。追諡靈王。順王子鄭樞自立爲晏都王。纔三月。出奔。鄭氏遂亡。計自鄭大王檢封公輔政。當黎莊宗元和十八年己巳。至晏都王失柄。當景興四十七年丙午。凡十二王。二百四十二年。鄭氏之興。寔與後黎中興相爲終始。其豐功偉績。炳然史冊。二百餘年間。我國臣民。凡尊戴黎氏者。無不尊戴鄭氏。而我祖宗已經尊之爲帝爲王者。我子孫亦公認之。斷不能以尊黎之故而抑鄭王。斥其爲僭越。或在歷史上削而不書。蓋二百餘年間。鄭氏已具一段光榮歷史。流風遺韻。長在人間。苟或有以私意而削之斥之。亦不過一時之事。而不能蔽世人之耳目。掩萬世之公論也。茲略述鄭王歷代如下。

鄭王史論

卅六

世祖明康大王 王諱碑又諱檢。毓德王追封鄭樓第三子。太夫人黃氏所出也。以黎憲宗景統癸亥六年八月二十四日生於虎村。生時赤光滿室。村人異之。幼而聰慧迥異常人。年六歲失怙。與母黃氏同居祖貫梨山鄉。年十歲為人牧牛于鳳山。糾合牧童常攘取鷄鴨爲食。以牛半爲象馬。以蘆荻爲旌旗。布隊伍習戰陣。爲遊戲。年十六七雄勇出衆。智略異常。羣聚偷盜梨山社人欲害之。時社上社人寧邦侯黎某仕莫。委王習養羣馬。王策駿馬一匹。直入錦水縣古隴川芒崇營。與堂兄鄭枕從興國公阮淦扶黎唱義國公見王器宇迴常。眷顧特厚。時有占城人武時安及子廷嵩弟時良廷勝。亦從興國公。見王卽深自結。誓同休戚。王與時安父子常往返永福安定間。招諭豪傑。寧邦侯訴于莫。密差拿捉。王卽避居安定社茹狙家。一日拿迫茹狙匿王廩中。蓋以粟。伊社憐之。亦不忍訴。得脫。遂往古隴應候。迨後王回虎村省親。在舅氏翁浪家。梨山社人與寧邦侯差人更就拿捉。幸有社上社社長知而通報王母子知之。在舅氏家後軒。以石碗擲之。王知之。遂遁脫。梨山社人與莫差人拿捉王母。調回梁山亭。納之竹籠中。投于江津。王聞之。慟哭不已。輒觀國力士民是望。乃請安定社人假爲行乞。沿流打探。見王母隨水流直到津上。津時東津社漁者枚某。以風裕大腰。截片上計至。王大慟。旁人恐其累及。多方諫止。夜深人靜。王與堂兄鄭枕及安定社人鄭伯夷。武時安三人同就尸處。至則見羣蟻附土成墳。堂兄鄭枕告王曰。事出希奇。寧知非福。乃泣拜而去。王與堂兄鄭枕就古隴從興國公調遣。時興國公尊扶黎莊宗于哀牢。居芒崇營。王與之共圖恢復。興國公乃奏封爲僉知馬奇翼義侯。以女玉寶嫁之。給發兵馬。令進入內壘。王乃發崇隆社兵直抵安場。聲討莫氏。屢捷。軍聲大振。特頒令總統兵權。築安場府。練習士卒。王與次室石城縣壽僚州輔導崇郡公張

公之女玉冷假爲縫工。就天關府奉化縣。殺得岷芒賊。從此一方帖服。州郡歸心。己亥黎莊宗元和十二年。王年二十七。受封翼郡公。委堂兄鄭杲與心腹武時安父子奉先妣骸骨移葬在安越村。并築立府祠。又立營衛于安定。安老二社。積貯糧餉。給發軍官。以爲奉先固本之基。

時興國公爲節制王爲翼郡公。與莫將莫謙大戰。王水步兵連捷。遂悉守諸要塞。莫將詐降。陰謀以毒藥殺興國公。公長子潢年尙幼。國家機務專以委王。莫兵乘釁內侵。帝拜王爲都將。節制水步諸營。兼統內外平章軍國重事。太師諒國公。凡事先行裁斷。然後奉聞。歲丙午。王行殺于滎州。立營于汴上社。豪傑多樂爲用。愛州疆土稍平。時王纔三十四歲。黎帝崩。皇子廢。所至有。

嗣尊爲中宗武皇帝。王曰。天下不可一日無君。乃使人探求黎氏子孫。覓得黎維邦於東山布衛鄉。迎回尋卽位。紀元元祐卽英宗峻皇帝。時莫茂洽僭稱洪寧。王伐之。茂洽大敗。正治己巳十二年。加王爲上將太國公。王歷事莊宗。中宗。英宗。三朝。三十年間。三分天下已有其二。卒贈爲明康大王廟號世祖。

成祖哲王 王諱松。太王第二子。以黎中宗順平庚戌二年十一月十二日生。王生而顛異。才德超羣。二十歲時已受封爲福良侯。掛平東印。開恭義營。大王沒時。王年纔二十一。王兄與莫兵戰敗。降于莫。帝封王爲太尉長郡公。嘉泰元年。陞左相。節制各處水步諸營。兼統中外平章軍國重事。裁決國家庶務。然後奏聞。王克紹父業。委用忠臣。翊扶黎皇。勦除莫亂。直抵昇龍京。北使陳敦臨使王建立齋良馬玉帶衝天冠。并柬文二帖。內書「光與前列。定國元勳」八字。以贈之。結爲隣好。自此貢獻常通。明帝獎曰。安南鄭氏能敦大義。扶黎家。勦除莫亂。眞冠世英雄也。是年進封王爲都元帥。總國

鄭王史論

冊七

郭王史論

冊八

政。尚父平安王尊扶世宗、敬宗、神宗三朝。卒成中興之業。永祚五年薨。尊封哲王。廟號成祖。

文祖誼王。王諱柎。哲王第三子。太妃鄧氏所生。年二十三陞太尉。清國公。哲王薨。帝特命掌兵權。是年再封為元帥。總國政。清都王。後又進封大元帥。總國政。師父清王。明差官捧齋勅。印封為安南副國王。薨。尊封誼王。廟號文祖。

弘祖陽王。王諱柞。誼王第四子。太妃陳氏所生也。黎敬宗弘定七年生。誼王薨時。王年已五十二。襲位。被尊封為大元帥。掌國政。尚父西王。後又進封大元帥。掌國政。尚師太父德功仁威明聖西王。薨。尊封陽王。廟號弘祖。

昭祖康王。王諱根。陽王第四子。太妃武氏所生。黎盛德四年。王年二十四。受封副都將。太保富郡公。開佐國府。嘉宗陽德三年。以王功德望重。進封元帥。典國政。定南王。陽王薨。王襲位。進封大元帥。總國政。上聖父師盛功仁明威德定王。薨。尊封康王。廟號昭祖。

禧祖仁王。王諱桐。乃康王之曾孫。晉光王之第二子。太妃張氏所生。黎裕宗永盛五年。康王薨時。王年二十四。入正府。進封元帥。總國政。安都王。後又進封為大元帥。總國政。上聖父師盛功仁明威德定王。薨。尊封仁王。廟號禧祖。

裕祖順王。王諱杠。仁王世子。太妃武氏所生。仁王薨。王襲位。進封大元帥。總國政。尚師太父綏裕王。裕義全王。王抱恙。胞弟恩王攝政。尊封太上王。薨。尊封順王。廟號裕祖。

毅祖恩王。王諱楹。仁王第四子。順王胞弟。王年二十攝政。平章軍國重事。順王抱恙。王繼承大統。進封大元帥。總國政。上師上父明王。扶黎顯宗。掃除禍亂。身致太平。景興二十八年。薨。尊封恩王。廟號毅祖。

聖祖盛王 王諱森。恩王第二子。太妃阮氏所生。恩王薨。尊封大元帥總國政上師尙父靖王景興四十三年。薨。尊封盛王。廟號聖祖。

奠都王 王諱櫟。盛王季子。盛王薨。大臣受顧命。進封大元帥總國政奠都王。纔及一月。清又二處驍兵尊扶端南王襲位。降封王為恭國公。

端南王 王諱棕。又諱楷。盛王長子。被奸臣吳時任。楊仲謙等。阿附修容郭氏。陰謀擁立鄧王。子櫟。相與織成逆狀。王被降為季子。後特頒改為鄭楷。及盛王薨。大臣奉幼主。所至有。

又諸軍擁立王為王。進封為大元帥總國政上師尙父端南王。及西山兵引闖王西。於莊。謀反。提納於西山軍。王遂自殺。後追封為靈王。

晏都王 王諱桂。又諱樞。順王第二子。盛王之從兄也。端南王薨。人心推戴。進封為大元帥總國政太師尙父晏都王。西山兵北來。王西奔錦水縣古隴州。意圖恢復。為蠻獠謀反。王薨于陽舍社。鄭

統遂絕

攻當黎光紹統元間。莫登庸以黎朝舊臣。位高祿重。不顧恩義。忍為篡弑之謀。是時黎氏之業。危機之來。間不容髮。一般位高祿重者。又皆反身事讎。助桀為虐。求其出力為黎氏社稷。削平禍亂者。寥寥無聞。幸而天啓中興之運。挺生明康太王。以撥亂之才。盡忠貞之節。起自布衣。糾合義旅。訪求帝胄。而尊立之。身經行陣。百戰間關。蹈危履險。勳績特著。三分天下有其二。大勳將集。使天假之年。何難成混一之功。哲王以神武之資。濟英雄之志。寬嚴御下。紀律行師。故一戰而生擒。既倦。遂能掃除大亂。統一海內。奉迎聖駕。進御京城。便即帝位。中興功業。莫大於此也。繼以誼王精忠許國。仁厚傳

家爲上爲德。爲下爲民。其戡亂守成之功。御外理內之術。彰彰在人耳目。自是而後。凡十餘代。雖有震主之威。而未常有易姓之變。後黎二百餘年之歷史。鄭氏寔有以成之也。故讀黎史卽是鄭史。此一段光榮歷史。已印在吾腦筋中。縱有欲以私意而厭蔽之。益見其不知量耳。夫以個人苟能建功立業。樹風聲於一世。在歷史上已大書特書。後之學者便皆公認其爲有足傳世之價值。况如鄭氏者。十餘代之稱王。二百餘年之柄國。其有不可磨滅之價值。三尺之童亦能信其然。乃余參觀各古寺廟。凡有後黎所豎之碑碣。內有涉於鄭主文字。概削去而滅之。不知主張削去者果何所用意。若謂如此所以表黎爲正統而鄭爲僭僞。則試問黎氏正統。非有鄭氏之尊扶。黎果能保有之否。况有鄭氏介乎其間。黎氏舊物得以不墜。則黎鄭固相依而存者也。今苟從歷史中凡關於鄭氏者削而不書。試問黎史能完全爲獨立史否。此萬萬不能之事也。今於歷史上者不能削去而滅之。則在於石碣者縱能削去之。果何益之有。余故曰多見其不知量耳。讀史有感。因略誌數言於此。完全的鄭史之纂輯。尙有待焉。

## 西湖先生略史(續)

時先生上條陳。切中時弊。當道甚器重之。時飭存問。廣南省公使親來先生鄉下探訪。茶齋靈物。亦時好與之遊。質問意見。蓋亦有意在也。此政府方面對先生之態度也。至若一般越南官吏。且先生之指斥。深抱不平。切齒咬牙。思欲有以報之。其欲乘機羅織之以罪。蓋無一時一刻不在處心積慮中也。然先生固處之泰然。豪不爲之動。留廣南年餘。鼓勵教育事業。便北遊河城。蓋以河城乃我

國歷代帝王故都。聲名文物悉萃於此。欲爲祖國效命。必在是焉。活動影響始大。先生來河時。適因東京義塾成立。先生在塾講演數次。及義塾停閉。先生仍逗留數月。欲再作南圻之遊。未及行。越明年戊申。適因廣南省有抗搜之役。波及者七八省。越南一般官吏喜得有好機會。可陷先生於罪。又相摘發。百矢叢集於先生一身。南朝便下電捕先生之令。是日先生早起盥洗初畢。有偵探隊長名手齋警察長官名刺來求見。云長官有事請召先生來一談。先生知其有。所至有。先生便來警察署。伊隊長亦尾隨之。抵警署。先生便被拘留於此。時。先生去後。余與寓主靜聽先生消息。日午仍不見回。始決知其有變。及晚先生寄示一片紙。係用鉛筆寫者。其辭云。一僕此次或得入天然學校。亦未可知。但願諸君努力爲國。有以爲之繼耳。一數日後。適有船期。先生便被引渡南回。船抵沱漢。時警官欲加以刑具。先生堅拒之。謂余本無何罪。何得以無禮待我。警官莫如之何。又由沱漢搭車轉解往順化京城。京城警官來。又欲加以刑具。先生亦堅拒之。警官不得已。請南朝派大臣數人前來婉勸云。罪之有無。要須待審。然此係國法。宜忍而受之。以存大體。先生不得已。強從之。便被監禁於護城衙。數月。案擬處死。蒙全權官減輕一等。遂流於岷崙。先生抵岷崙後。得寬釋在外自由生理。先生每日以釣魚爲樂。以度辛酸時光。每得魚賣諸市。以供雜用。或餽諸相識者。先生平生富有機警之性。故所至每善用手段。以博人之歡。先生在島之得自由。大半是出於善於交際所致。使先生生於他國。必能爲大外交家。無可疑也。先生在岷崙數年後。蒙得法京人權會諸會員營救。始得放回。管束於南圻美萩省。後請隨全權官往法京居住。羈留法京凡十餘年。歐洲大戰當時。先生被嫌疑。又被羈監者數月。後始得釋。先生在法京時。流離顛沛。萬

狀酸辛。海角天涯。隻身憔悴。然而氣未嘗爲之餒。志未嘗爲之弛。饑餓窮困。未嘗有所求於人。每日勞力以其所得供晨夕。殆無愠色。噫先生之志可謂堅矣。先生之氣可謂勇矣。先生之節可謂烈矣。先生愛國寸衷。可謂始終如一矣。雖然先生雖食窮處困。勞碌不暇。而每有寸晷。可與國人聚首。便種種爲之教之誨之。勸學生勉盡其爲學生之職。勸勞動者勉盡其爲勞動之本分。又激發以愛國之心。愛種之義。和衷協志以求達到進化之途。故留法京諸同胞得其教訓者不淺。千九百二二年時巴黎開博覽大會。啓定帝西遊參觀。先生於其時亦有寄書規勸。洋洋數千餘言。讀者聞之。均爲之驚服不置。惜原文過長。錄登有所未便。容俟之異日。先生於去年四月日由法京回國。蓋亦欲爲我數千萬同胞介紹保護國之文明。使我國民知所趨向。先生平生又主張開化主義。謂國民教育之未普及。則國民個人之資格未完備。國民資格未完備。其何能國。蓋國也者。乃合無數個人而成。個人之資格未全。卽一國之資格未全也。先生之南回也。蓋孜孜以倘法國之文明。提唱開化同胞爲職志。惜天不憖遺。竟于本年三月廿四日辭塵。嗚呼痛哉。先先生生平多病。當其最劇時期。已頭童齒豁。不識者疑爲老人。然而其氣甚壯。其志甚堅。雖遇如何艱辛苦境。亦不爲之大懷。然先生亦以是而至於早死。蓋數十年來患難交逼。半生身世。無日不在荆棘之中。以有限之精力。有限之精神。安能堪此無窮之痛苦。故先生之弗能享有壽命。此亦其一大原因也。噫痛哉。先生爲愛國而死。愛種而死。愛求自由而死。其死之爲可悲可惜。可紀念爲何如。故當先生病劇之時。南中同志諸君子已爲先生設療病治事所。對於先生病中療養之法。爲之用心無微不至。先生沒後。又設治喪所。先生身後事。一一料理妥善。其對愛國者表同情。可謂仁至義盡矣。南圻諸省以至全國。

各都市均開追悼會。以表哀感。先生之死。可謂哀矣。夫以先生之對於我國勳績而論。則除呼號喚醒國民之外。固未見其有他施措。有功於國。有益於民。而我國民乃對先生感情深厚如此。只以先生數十年來為罪為囚。為窮為抑。半生鬱鬱。純是為國家為同胞鞠躬盡瘁。以至於死。則先生之死。為可悲。可悼。可痛。為何如。宜其親疎同情。遠近一致。爭紓一掬熱淚。為愛國者表無窮之感慨也。

文苑

●西山光中帝受清封為安南國王。邦交禮畢。駕還富春城。北城

北城臣民稽首頓首。謹奏上言。茲仰見 駿命鼎凝。鴻圖甌奠。協蒼穹之眷佑。開紫府之明輝。率土

宅心。敷天仰德。遵無黨無偏之標準。頌美西方。溥所臨所照之尊親。瞻高南極。望後來而不應。願帝

出而同歡。謹奉表奏迎駕者。伏以聖聰宣作。五百年開清晏之期。神器有歸。億萬眾仰粹精之象。雲

高楓殿。日照葵心。臣北城臣民等竊唯。皇天作之君師。啓大寔關於顯數。元后宣唯父母。望蘇尤切

於懽心。蓋尊君親上。乃自天降衷。而建邦設都。必與眾同願。周赫赫鄙豐二邑。慰樂聞鐘鼓之人心。

漢堂堂關洛兩京。懽喜見威儀之眾望。於皇我越。誕受多方。涇至貉三千年定鼎峯都。今白鶴處上游

蓋惟順輻輳來歸之地。李迄黎四五代建基龍肚。蒞中土。亦欲通梯航朝貢之途。山河既壯。帝居廬

井斯安民止。竊念臣等。會逢井鮒。運值屯班。濃山乾紐陽微。久曠見端黼秉珪之盛事。汴水兌宮星

暗。遂激成吊髮復矢之厲階。臺緇弛業於菁莪。艾拒妨功於黃草。雲霓在望。萬方咸俟於湯征。日月

(文苑) 古詩摘錄

(文苑) 今詩摘錄

四四

無私四海同瞻於堯運。定一允符嘉會。奉三誕啓真姿。伏遇聖天子陛下。道冠九皇。才高千古。神武自天生德。亨西山收固厚之版章。英雄持地建功。行南國卓顯承之謨烈。審定舒徐於山立。懷柔恢廓於海涵。取殘救此一方民。覆載量九州非富。從欲解茲三面網。發育心百姓皆胞。桃虫華馬直容多。梧鳳沼龍孚信溥。殷墟樹藩垣於麟趾。赤子知豈弟之風。漢闔增保障於虎翰。潢池沐旬宣之化。皇猷闡而羣黎遍德。聖澤覃而百姓遂仁。榆關永息虎嘯。衽席鴻飛之百堵。黍畝協符魚夢。管絃狼戾於三農。長春泰朗幸逢時。永夏離明同戴日。龍城地遠。期聆太清善美之鈞韶。象闕天高。渴覲蒲阪光華之袞冕。至止翹深於玉轡。式如盼切於金根。金根乃天子耕籍之車出登龍表伏望聖天子陛下。洞察微衷。弘恢睿聽。建德順承。帝命。卽北城爲宅。中圖大之基。作邦克配天心。以南京奠固本深源之地。統緒遙觀古始。款忱式慰。今終傘瀘宏潤高深。天府壯虎踞龍蟠之勢。翼軫昭回燦爛。皇圖綿龜符鰲奠之昌。

● 今詩摘錄

茗園詩抄

字聲中故國魂。請上一層樓。上望長安東。畔掛朝嗽。  
右有感二首

回首河山夢未醒。忽教奇想入冥冥。天涯有客攜孤劍。蜀道何年遣五丁。萬縷春蠶心不死。千年古塚鬼無靈。郢中只解巴人曲。白雪歌成獨自聽。

風雷四壁晝昏昏。睡起閑窗靜掩門。地獄數重無日月。天涯隻影有乾坤。銅駝日下新亭淚。杜

歌聚地某丘某水。少年遊一枝自信。鵝巢穩萬里。那堪鶴夢愁不識。去時新植桂。可無翠幹傲寒秋。

無緣嫁作狂生婦。辛苦勞勞復自憐。中饋頻煩。供客飯。浪遊空費典衣錢。封侯塞外成虛語。化石山頭不記年。強把閑愁問明月。雲憎雨妬幾回圓。

海外匆匆別爾情。一纒六歲一初生。孩童至性知思父。教養前途一委卿。女學新潮通國語。蕉桐舊曲紹家聲。慰心豈必真男子。君看徵家姊妹行。

右在海島寄家人三首

▲朝鮮詩選

◎江南春思

金淨江

江南殘日夢慊慊。愁逐年華日日添。雙燕來時春欲暮。杏花微雨下重簾。

◎醉後

鄭知常

桃花紅雨燕呢喃。繞屋春山間翠嵐。一頂烏紗慵不整。醉眠花塢夢江南。

(文苑) 朝鮮詩選

▲泊漢江

李植

春風急水下。輕轆朝發驪陽。暮漢江。篙子熟眠。雙艣靜。春山無數。過船窗。

◎初至登州

舍叔度

南商北客簇沙頭。盡鷁青。所至有。聯袂起滿城。明日以揚州。

▲早春

前人

五灘流水走天涯。江上松林是我家。昨夜夢尋鳥成路。山前山後早梅花。

★書懷

金宏弼

處獨居閑絕。往還只呼明月照清寒。憑君莫話生涯事。萬頃烟波數疊山。

◎贈鑑湖主人

趙昱

十年長掩故山扉。塵土東華幾染衣。想得鑑湖今夜。月子規應喚不如歸。

(文苑) 朝鮮詩選

●古寺尋花

月山大君婷

春深古寺燕飛飛。深院重門客到稀。我正守花。花盡落尋花翻爲惜。花歸。

○竹枝辭

成氏

溪東瀼西春水長。郎舟已去向瞿塘。巴江峽裏啼猿苦。不到三聲已斷腸。

●別贈

俞池舟夫人

恨別逾三歲。衣裘獨禦冬。秋風吹短髮。寒鏡入衰容。旅夢風塵際。離愁關塞重。徘徊思遠近。流歎滿房櫳。

■縣津晚泊

白向勉

旅泊依村日。重遊屬暮年。鍾聲隔岸寺。人語渡湖船。月上蒹葭遠。烟橫島嶼連。夜深風更急。落雁不成眠。

△直禁詠懷

奇邁

南山松柏幽。北山烟霞深。遊子暮何之。庭樹生秋陰。歸雲向遙岑。宿鳥栖前林。香懷杳不極。清風吹我襟。

●閨怨

林悌

十五越溪女。羞人無語別。歸來掩重門。泣向梨花月。

